

Өвс хадлгъна кӧдлмшиг чангъгахмн

Одахн КПСС-н Элст балгъ-на комитет болн балгъсна кӱцӱгч комитет ӧвс хадлгъна йовудин диг-дарагъинь хӱлӱгъӱд, «Страна Советов» колхоз ӧвс хадлгъиг сӱӱнӱр кедж йовна гигъӱд, дамдждж ӧггддг Улан туг ӧгв.

Эн колхоз (ахлачнь ӱр Н. Т. Юхнов, парторганизацин сеглӱтрнь ӱр И. М. Лысенко) хадлгън эклснӱс авн 8 мингъгън гектар газрт ӧвс хадад, дахн скирдлджӱнӱ. Ӧвс хадлгъна агрегат болгън ӧдр болгън 60-70 гектар хадцхана.

Болв Сталинӱ нертӱ колхоз (ахлачнь ӱр Сафонов, парторганизацин сеглӱтрнь ӱр Вагин) машинӱ нег шалгъ болгънд ӧдртӱн зугл 4,8 гектар ӧвс хадна, «Победа» колхоз

(ахлачнь ӱр Полоусов, парторганизацин сеглӱтрнь ӱр Э-Г. О. Мукаев) — машинӱ нег шалгъ болгънд ӧдртӱн 5,7 гектар, «Буратинский» совхоз (директорнь ӱр Н. С. Санджиев, парторганизацин сеглӱтрнь ӱр И. Б. Манджиев) — 5 гектар, темснӱ совхоз (директорнь ӱр Щербаков) — 4,4 гектар хадна.

Ӧвс хадлгъна кӧдлмшин дуту-дундсиг цаглань чиклдж, ӧвс хадлгъна графикиг ӧдр болгън кӱцӱх кергтӱ гидж КПСС-н балгъсна комитет болн балгъсна кӱцӱгч комитет колхозмудин, совхозмудин гардачнрас болн эклц партийн организацсин сеглӱтрмӱдӱс некджӱнӱ.

И. МАСЛОВ.